

ერთის მხრივ, „შპს რობერ შუმანის სახელობის ევროპული სასწავლებელის“ (შემდგომში: სკოლა), საგანმანათლებლო პროგრამა „მოძღვარი“ წარმოდგენილი დირექტორის ხათუნა კორსელიძის სახით და მეორე მხრივ, I კლასის მოსწავლის მშობელი/კანონიერი წარმომადგენელი _____ (შემდგომში „მშობელი“), საქართველოს მოქმედი კანონმდებლობის შესაბამისად, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. სკოლა იდებს ვალდებულებას მიაწოდოს მოსწავლეს ეროვნული სასწავლო გეგმის შესაბამისი მაღალხარისხიანი სასწავლო პროგრამა და სტანდარტზევით საგანმანათლებლო მომსახურება შესაბამისი ანაზღაურების სანაცვლიდ;
- 1.2. წინამდებარე ხელშეკრულებით 2023-2024 სასწავლო წლიდან სკოლა იღებს მოსწავლეს ზოგადსაგანმანათლებლო დაწესებულება „რობერ შუმანის სახელობის ევროპული სასწავლებლის“ საგანმანათლებლო პროგრამა „მოძღვარის“ I კლასის მოსწავლედ. სკოლა ვალდებულია შესარულოს ამ ხელშეკრულებით ნაკისრი ვალდებულებები კეთილსინდისიერად და ჯეროვნად, ხოლო მშობელი უხდის სკოლას შეთანხმებულ თანხას გაწეული მომსახურეობისთვის;

მუხლი 2. მხარეთა უფლება-მოვალეობები

2.1 სკოლა ვალდებულია:

- 2.1.1 მოსწავლეს ასწავლოს თანამედროვე სტანდარტებისა შესაბამისი სასწავლო პროგრამებით;
- 2.1.2 სასწავლო პროცესის განმავლობაში მოსწავლე უზრუნველყოს სიცოცხლისა და ჯანმრთელობისათვის მაქსიმალურად უსაფრთხო გარემოთი;
- 2.1.3 სასწავლო პროცესი წარმართოს ეროვნული სასწავლო გეგმისა და სასკოლო სასწავლო გეგმის შესაბამისად;
- 2.1.4 სისტემატიურად აკონტროლოს მოსწავლის აკადემიური მოსწრება და შედეგები;
- 2.1.5 მიაწოდოს ინფორმაცია მშობელს მოსწავლის სწავლისა და ყოფაქცევის შესახებ;
- 2.1.6 ჩატაროს სასწავლო პროცესთან დაკავშირებული კულტურულ-საგანმანათლებლო ღონისძიებები;
- 2.1.7 სასწავლო ოთახები აღჭურვის სასწავლო ინვენტარით, ტექნიკური და მეთოდური საშუალებებით, რაც ეროვნული სასწავლო გეგმის მოთხოვნათა შესრულებლობას შექმნის;
- 2.1.8 იზრუნოს თითოეული მოსწავლის პიროვნულ განვითარებაზე და მისი მოქალაქეობრივი ცნობიერების ჩამოყალიბებაზე, დაიცვას მოსწავლის უფლებები და ინტერესები;
- 2.1.9 უზრუნველყოს მოსწავლე კვებით წინასწარ შედგენილი კვების რაციონით (I-VI კლასებში).

2.2. სკოლას უფლება აქვს:

- 2.2.1 მოსთხოვოს მშობელს წინამდებარე ხელშეკრულების, სკოლის შინაგანაწესის, დებულებებისა და მითითებების განუხრელად დაცვა;
- 2.2.2 განსაზღვროს სასწავლო პროცესის ორგანიზაციის წესები;
- 2.2.3 ჩამოართვას მოსწავლეს სასწავლო პროცესისათვის არასაჭირო ნივთები (მობილური ტელეფონი, სწავლისათვის შეუსაბამო ტექნიკური საშუალებები და სხვ.) და დაუბრუნოს მოსწავლეს ან მშობელს გაკვეთილების დასრულების შემდეგ;
- 2.2.4 დაითხოვოს მოსწავლე (დროებით) სკოლის შინაგანაწესის უხეში დარღვევის შემთხვევაში;
- 2.2.5 მოსთხოვოს მშობელს წინამდებარე ხელშეკრულებით გათვალისწინებული ვალდებულებების შესრულება.

2.3. მშობელი ვალდებულია:

- 2.3.1 იყოს კორექტული და შეინარჩუნოს კეთილგანწყობა სკოლისა და მისი თანამშრომლების მიმართ;
- 2.3.2 ხელი შეუწყოს სკოლის სასწავლო-აღმზრდელობითი პროცესის ნორმალურ ჩატარებას;
- 2.3.3 მოსწავლის ინტერესებიდან გამომდინარე, აქტიური კავშირი იქონიოს კლასის დამრიგებელთან და სკოლის ადმინისტრაციასთან;
- 2.3.4 მოსწავლე სკოლაში გამოუშვას სკოლის შესაფერისად ჩატარები, სასწავლო ნივთებით აღჭურვილი; ყურადღება მიაქციოს, რომ არ ატაროს არასაჭირო ნივთები (მობილური ტელეფონი, სწავლისათვის შეუსაბამო ტექნიკური საშუალებები და ა.შ.);
- 2.3.5 დაესწროს სკოლაში დაგეგმილ ღონისძიებებს და სასკოლო აქტივობებს (მშობელთა კრება, ზემები და ა.შ.);
- 2.3.6 აანაზღაუროს ბავშვის მიერ დაზიანებული სასკოლო ინვენტარი ან ტექნიკა სკოლის ადმინისტრაციის მოთხოვნის საფუძველზე;
- 2.3.7 ნებისმიერი პრობლემა და გაუგებრობა გაარკვიოს მოსწავლის კლასის დამრიგებელთან ან/და სკოლის ადმინისტრაციასთან;
- 2.3.8 სკოლის ექიმის/ექთანს/ადმინისტრაციას აცნობოს ბავშვის ჯანმრთელობის მდგომარეობის, კერძოდ, ქრონიკული დაავადებისა და ალერგიის შესახებ, მათ შორის, საკვებ პროდუქტებთან დაკავშირებით.

2.3.9 უზრუნველყოს მოსწავლის დასწრება სასწავლო-აღმზრდელობითი პროგრამით გათვალისწინებულ კლასგარეშე კულტურულ-საგანმანათლებლო ღონისძიებებზე;

2.3.10 მოსწავლეს არ გააცდენინოს სკოლა არასაპატიო მიზეზით. წინასწარ აცნობოს დამრიგებელს მოსალოდნელი გაცდენის შესახებ;

2.3.11 თავი შეიკავოს სხვა მოსწავლის ან სკოლის ნებისმიერი თანამშრომლის სიტყვიერი შეურაცხყოფისაგან, მისი ღირსების შელახვისაგან, ასევე მოსწავლის თანდასწრებით მასწავლებლის განვითხვისა და მისი ავტორიტეტის შელახვისაგან;

2.3.12 დროულად გადაიხადოს სწავლების საფასური;

2.4. შშობელს უფლება აქვს:

2.4.1 მოითხოვოს სკოლისგან წინამდებარე ხელშეკრულებისა და მოქმედი კანონმდებლობის დაცვა;

2.4.2 მოითხოვოს სკოლისგან სასწავლო პროცესის წარმართვა მაღალკალიფიციურად;

2.4.3 მოითხოვოს სკოლის მოსწავლისადმი სამართლიანი, ობიექტური და თავაზიანი დამოკიდებულება;

2.4.4 მოითხოვოს საგნების მხედვით მოსწავლის ობიექტური შეფასება;

2.4.5 მოსთხოვოს სკოლას წინამდებარე ხელშეკრულებით გათვალისწინებული პირობების შესრულება.

2.5. მოსწავლე უფლებამოსილია:

2.5.1 მიიღოს სახელმწიფო სტანდარტების შესაბამისი მაღალი ხარისხის განათლება;

2.5.2 პედაგოგთან ურთიერთობის გართულების შემთხვევაში, მიმართოს დირექციას და გამოხატოს თავისი შეხედულება.

2.6. მოსწავლე ვალდებულია:

2.6.1 იყოს თავაზიანი, მოკრძალებული და შესარულოს შინაგანაწესითა და მოსწავლის ქცევის კოდექსით დადგენილი ნორმები;

2.6.2 გაუფრთხილდეს სკოლის ქონებას, სასწავლო ლაბორატორიებისა და საკლასო ოთახების აღჭურვილობასა და ინვენტარს.

მუხლი 3. სწავლის ღირებულება და მისი გადახდის წესი

3.1. სასწავლო წლის გადასახადის საერთო ღირებულება სახელმწიფო ფინანსური ნორმატივის შესაბამისი ვაუჩერის გარეშე, შეადგენს **6300 (უქციათას სამას) ლარს**; მომსახურების საფასური I-VI კლასებში ასევე მოიცავს კვების საფასურს.

3.2. მშობელი ვალდებულია, 2023-2024 სასწავლო წლის ღირებულება **6300 (უქციათას სამასი) ლარი** გადაიხადოს სამ ნაწილად: თანხის პირველი ნაწილი **500 (ხუთასი)** ლარი გადაიხადოს ხელშეკრულების ხელმოწერიდან **5(ხუთ)** კალენდარული დღის ვადაში; თანხის მეორე ნაწილი **2650 (ორიათას ექვსას ორმოცდაათი)** ლარი გადაიხადოს 2023 წლის 01 ივნისამდე, ხოლო თანხის მესამე ნაწილი **3150 (სამიათას ას ორმოცდაათი)** ლარი გადაიხადოს 2023 წლის 15 დეკემბრამდე;

3.3. წინამდებარე ხელშეკრულების 3.2 პუნქტით გათვალისწინებული გადასახადის პირველი ნაწილი (**500 ხუთასი**) ლარი) ჩაითვლება ვალდებულებით გათვალისწინებული გადასახადელის ანგარიშში, ხოლო თუ მოსწავლის კანონიერი წარმომადგენელი არ შესარულებს ნაკისრ ვალდებულებას ან მხარეთა შორის არსებული ხელშეკრულება შეწყდება, აღნიშნული თანხა (**500 (ხუთასი)** ლარის ოდენობით) დარჩება სკოლას.

3.4. მშობელი ვალდებულია, მე-2 კლასის ჩათვლით, ყოველი სასწავლო წლის ღირებულება **6300 (უქციათას სამასი) ლარი** გადაიხადოს ორ ნაწილად: თანხის პირველი ნაწილი: **3150 (სამიათას ას ორმოცდაათი)** ლარი გადაიხადოს 01 ივნისამდე, ხოლო თანხის მეორე ნაწილი: **3150 (სამიათას ას ორმოცდაათი)** ლარი გადაიხადოს **15 დეკემბრამდე**,

3.5. სკოლა იღებს ვალდებულებას მოსწავლის ჩარიცხვიდან პირველი ორი წლის განმავლობაში არ შეცვალოს მომსახურების საფასური. ინფლაციის პირობებში საფასურის მომატება შესაძლებელია მხოლოდ ორი წელიწადში ერთხელ.

3.6. წინამდებარე ხელშეკრულებით განსაზღვრული გადასახადების ანაზღაურება უნადღო ანგარიშსწორებით ხელშეკრულებაში მითითებულ სკოლის საბანკო ანგარიშზე.

მუხლი 4. მოსწავლის სკოლიდან გადაყვანის წესები და გაფრთხილების წესი

4.1 სკოლიდან მოსწავლის გადაყვანის შემთხვევაში, მშობელი ვალდებულია, ერთი თვით ადრე წერილობით შეატყობინოს სკოლას მიღებული გადაწყვეტილების შესახებ;

4.2 იმ შემთხვევაში, თუ მშობელმა ამ ხელშეკრულებით განსაზღვრულ ვადებში არ გადაიხადა საგანმანათლებლო მომსახურების გადასახადი, მშობელი გაფრთხილებული იქნება წერილობითი შეტყობინებით;

4.3 ხელშეკრულებით განსაზღვრული გადასახადის გადახდის დადგნილი ვადების დარღვევის, კერძოდ, 3 (სამი) თვის ვადაგადაცილების შემთხვევაში, სკოლა უფლებამოსილია იმოქმედოს საქართველოს მოქმედი კანონმდებლობის შესაბამისად და შეწყვიტოს აღნიშნული ხელშეკრულება. მოცემულ შემთხვევაში, მშობელი ვალდებულია სრულად დაფაროს საგანმანათლებლო მომსახურების გადასახადი მოსწავლის სწავლების პერიოდის პრიპორციულად და პირგასამტკბლოს სახით გადაიხადოს აკადემიური წლის გადასახადის 15%.

4.4 კონკრეტული სასწავლო წლის პირველი სემესტრის დასრულების შემდეგ მშობლის ინიციატივით ხელშეკრულების შეწყვეტის შემთხვევაში, მშობელი ვალდებულია სრულად დაფაროს საგანმანათლებლო მომსახურების გადასახადი

მოსწავლის სწავლების პერიოდის პროპორციულად და პირგასამტებლოს სახით გადაიხადოს აკადემიური წლის საერთო ღირებულების 15%. პირველი სემესტრის დასრულების შემდეგ ხელვეკრულების შეწყვეტის შემთხვევაში, გადახდილი თანხა დაბრუნებას არ ექვემდებარება.

მუხლი 5. მოსწავლის პერსონალური მონაცემების გამოყენება

5.1 წინამდებარე ხელშეკრულებაზე ხელმოწერით მშობელი/კანონიერი წარმომადგენელი აცხადებს თანხმობას მისი და მისი შვილის პერსონალური მონაცემები/ინფორმაცია, რომელიც ცნობილი გახდა საგანმანათლებლო/სასწავლო პროცესში, სკოლის მიერ დამუშავდეს და გამოყენებულ იქნას საჭიროებისამებრ მოქმედი კანონმდებლობით დადგენილ ფარგლებში.

5.2 წინამდებარე ხელშეკრულებაზე ხელმოწერით მშობელი/კანონიერი წარმომადგენელი თანხმობას აცხადებს სკოლაშ სასკოლო ან/და არასასკოლო აქტივობების მიმდინარეობის პროცესში განახორციელოს მისი შვილის ფოტო, ვიდეო გადაღება/აუდიო ჩაწერა. ამ გზით მოპოვებული პერსონალური ინფორმაცია დაამუშაოს ან/და კანონმდებლობით დადგენილი წესით, გამოიყენოს საჭიროებისამებრ (მათ შორის სარეკლამო მიზნებისათვის), მაგალითად, განათავსოს სოციალურ მედიაში, ინტერნეტ სივრცეში, გამოაკრას თვალსაჩინო ადგილას სკოლის ტერიტორიასა თუ სხვა სივრცეებში, დაამზადოს და გაავრცელოს აღნიშნული პერსონალური მონაცემების შემცველი საინფორმაციო ბროშურები და განახორციელოს სხვა ღონისძიებები, რომლებიც ემსახურება სკოლის ცნობადობის ზრდასა და პოპულარიზაციას.

5.3 მშობელი/წარმომადგენელი ასევე გამოხატავს თანხმობას მოსწავლის პერსონალური მონაცემები ან/და გამოსახულებები (სურათები) გამოყენებულ იქნას ზოგადსაგანმანათლებლო დაწესებულების საჭიროებების კვლევის/პედაგოგიური კვლევის ანგარიშში.

მუხლი 6. ხელშეკრულების მოქმედების ვადა, ხელშეკრულების შეწყვეტის წესი

6.1. ხელშეკრულება ძალაში შედის ხელმოწერისთანავე და მოქმედებს მოსწავლის მიერ სრული ზოგადი განათლების მიღებამდე;

6.2. წინამდებარე ხელშეკრულება ვადაზე ადრე შეიძლება შეწყვეტებით;

6.3. წინამდებარე ხელშეკრულებით გათვალისწინებული ვალდებულებების შეუსრულებლობის შემთხვევაში მეორე მხარე უფლებამოსილია ცალმხრივად შეწყვიტოს ხელშეკრულება:

6.4. სკოლა უფლებამოსილია ცალმხრივად შეწყვიტოს ხელშეკრულება:

6.4.1. თუ მშობელი დაარღვევს წინამდებარე ხელშეკრულებით ნაკისრ ვალდებულებებს;

6.4.2. თუ კანონმდებლობით დადგენილ შემთხვევებში მოსწავლე უხეშად დაარღვევს მოსწავლეთა ქცევის კოდექსს.

6.5 მშობელი უფლებამოსილია ცალმხრივად შეწყვიტოს ხელშეკრულება, თუ სკოლა დაარღვევს წინამდებარე ხელშეკრულებით ნაკისრ ვალდებულებებს;

6.6 ხელშეკრულება ავტომატურად წყდება:

6.6.1. ხელშეკრულების ვადის გასვლის გამო;

6.6.2. სკოლის ლიკიდაციის ან რეორგანიზაციის შემთხვევაში, თუ მას არ ჰყავს სამართალმემკვიდრე ან უფლებამონაცვლე;

6.6.3. კანონმდებლობით დადგენილი წესით სკოლიდან მოსწავლის სტატუსის შეზერების, გარიცხვის (საშუალო საფეხურზე) ან ამორიცხვის შემთხვევაში.

მუხლი 7. ფორსმაჟორი

7.1. მხარეებს არ დაევისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობით, არაჯეროვანი შესრულებით ან ვადის გადაცილებით მიყენებული ზიანისათვის, თუკი შეუსრულებლობა გამოწვეულია ფორს-მაჟორული გარემოებებით;

7.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საკანონმდებლო შეზღუდვები, სახელწიფო გადატრიალება და სხვა);

7.3. ორივე მხარე ვალდებულია, დაუყოვნებლივ აცნობოს ერთმანეთს ფორსმაჟორის მდგომარეობის დაწყებისა და დამთავრების შესახებ;

7.4. მხარე, რომელიც მიუთითებს ფორსმაჟორულ მდგომარეობაზე, ვალდებულია წარმოადგინოს ამის დამამტკიცებელი კომპეტენტური სახელმწიფო ორგანოს დამადასტურებელი საბუთი.

მუხლი 8. დავის გადაწყვეტა

- 8.1. სადაც საკითხები მხარეებს შორის წყდება მოლაპარაკების საფუძველზე, მოურიგებლობის შემთხვევაში - სასამართლოში მოქმედი კანონმდებლობის შესაბამისად.
- 8.2. მხარეები ვთანხმდებით, წინამდებარე ხელშეკრულებით გათვალისწინებული ვალდებულების დარღვევასთან დაკავშირებით პირველი ინსტანციის სასამართლოს მიერ მიღებული გადაწყვეტილება მიქცეულ იქნეს დაუყოვნებლივ აღსასრულებლად საქართველოს სამოქალაქო საპროცესო კოდექსის 268-ე მუხლის 1¹ ნაწილის შესაბამისად.

მუხლი 9. დამატებითი პირობები

- 9.1. წინამდებარე ხელშეკრულება შედგენილია ორ ეგზემპლარად და ორივეს აქვს თანაბარი იურიდიული ძალა;
- 9.2. წინამდებარე ხელშეკრულებაში წებისმიერი ცვლილება და დამატება შეიძლება შეტანილ იქნეს მხოლოდ წერილობითი ფორმით, რომელიც ხელმოწერილი იქნება ორივე მხარის მიერ;
- 9.3. მხარეთა რეკვიზიტებში ცვლილებ(ებ)ის შემთხვევაში, მხარე ვალდებულია დაუყოვნებლივ აცნობოს მეორე მხარეს;
- 9.4. მხარეები აცხადებენ რომ ამ ხელშეკრულებასთან დაკავშირებული ურთიერთობები ასევე რეგულირდება სკოლის შინაგანაწესით, მოსწავლის ქცევისა კოდექსით, დებულებით და წარმოადგენს წინამდებარე ხელშეკრულების განუყოფელ ნაწილს.

მუხლი 10. მხარეთა რეკვიზიტები და ხელმოწერები

სკოლა	მშობელი
<p>„რობერ შუმანის სახელობის ევროპული სასწავლებელი“ მისამართი: ფალიაშვილის 42 საიდენტიფიკაციო კოდი: 404901406 საბანკო რეკვიზიტები: თიბისი ბანკი ბანკის კოდი: TBCBGE22 ანგარიშის N GE93TB7590536020100003 „რობერ შუმანის ევროპული სასწავლებლის“ საგანმანათლებლო პროგრამა „მოძღვარის“ დირექტორი ხათუნა კერესელიძე _____</p>	<p>სახელი და გვარი: პირადი N ფაქ. მისამართი: ტელეფონი:</p> <p>_____</p>